



**JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIAL**

Komunikadu Imprensa

Periodu : Novembru 2011

Edisaun : 21 Novembru 2011

**JSMP realiza treinamentu ba jornalista Rádriu Komunidade no
Journal Distritu Dili**

Durante loron rua 17-18 Novembru 2011, JSMP liu husi Unidade Peskizador Jurídiku no Unidade Relasaun Públiku realiza treinamentu ba jornalista sira husi Rádio Komunidades no journal Rejiaun III iha Distritu Dili. Partisipantes treinamentu Journalista rádio komunidade no journal rejiaun III kompostu husi Distritu Liquiça, Aileu, Ermera no Dili. Iha treinamentu ne'e partisipnate total humtuk ema nain 15, feto 6 mane 9.

Matéria treinamentu ne'e ho nia tópiku "*Profesionalismu Journalista Harê Husi Aspeitu Legál*", ne'ebé kompostu ho nia sub topiku iha kapitlu sira. Kapitlu primeiru ko'alia konabá âmbito média en-geral ne'ebé inklui: *Definisaun Média; no Funsau Média*. Iha kapitlu Segunda ko'alia konabá Journalista ne'ebé inklui: *Definisaun Journalismu, Journalista no Funsau Journalista*. Iha kapitlu ikus (III) ko'alia liu konabá aspeitu ka baze legál hanesan: *Protesaun ba profesau ba Journalista* ne'ebé inklui Konstituisaun da RDTL artigu 41, Konvensaun Internasionál (ICCPR) artigu 19, Lei Indonézia Nú 40/99, no Kódigu Konduta Journalista. Kapitlu ne'e mós subliña konabá "*Sansaun*" ne'ebé kobre artigu balu husi Lei Indonézia Nú 40/99, artigu sira husi Kódigu Penál.

Diretór interinu JSMP, Casimiro dos Santos *haktuir katak treinamentu ba jornalista ida ne'e hanesan komitmentu JSMP nian hodi kontinua suporta ka apoiu fó kapasitasaun no hametin koñesimentu jornalista sira iha aspeitu legál, liu-liu lei ne'ebé regula no garantia jornalista sira bainhira ezerse sira nia knaar hodi respeita ba ema seluk nia direitu liu-liu direitu vítima no suspeitu no tane aas prinsípiu prezumsaun inosente.*

JSMP konsiente katak papél jornalista nian importante tebes iha prosesu konsensializasaun informaun públiku, edukasaun sívika no transformasaun sosiál.

JSMP mós hanoin katak durante ne'e JSMP hetan kolaborasaun no benifisiu mutuál entre JSMP no jornalista sira tanbá ne'e, JSMP sente orgullu hodi sai equipa no servisu iha espíritu kolektivu atu hari'í no promove justisa ba ema hotu.

Iha parte seluk Representante husi Justice Facility, Sra. Sophia Cason iha ninia diskursu hateten katak media no jornalista hanesan instrumentu ida ne'ebé importante tebes atu

fasilita informasaun ba públiku. Liu husi treinamentu ida ne'e partisipantes sira husi journal no rádiu bele hatene sira nia dever no direitu relasiona ho servisu jornalista. Nia mós fo agradese ba partisipantes sira ne'ebé bele marka prezensa hodi tuir treinamentu ne'e.

Atu hetan informasaun kle'an favor kontaktu:

Casimiro dos Santos

Diretór Interinu JSMP

Email; casmiro@jsmp.minihub.org

Landline; 3323883